



# ЛЕНИНЭНЬ КИЯВА

ВЛКСМ-нь Мордовской обкомонтъ ды Саранск ошонь комитетэнтъ газетаст

1941 ие  
И Ю Н Е Н Ъ  
27-це чи  
72 (1368) №

ЛИСИ: 11-ца ив,  
12 № ковс

## РОДИНАНТЬ КИС, ЧЕСТЕНТЬ КИС, ОЛЯЧИНТЬ КИС!

### КАЛМО ФАШИСТСКОЙ ВАРВАРТНЭНЕНЬ!

Фашистской Германиясь войнань атак яволявто зверекс каявсь минек масторонть лангс. Сон колызе ненападениядо пактонть, конань ало ульнесь эсензэ жо подписезэ. Те фактось еще весть невтизе весе мирэнтень, што фашистской заправилатне эрва шка-не анокт, мезе лангскак атак вано, ёр-томс ве ёнов международной приличи-ятнень ды стувтомс человеческой со-вестень весе законтнень.

Врагось арсесь кундамс минек рас-пложс. Но манявсь истя жо, кода уш а весть маньшевсть минек заклантой вра-гонок, конат весе вийсэ бажить исто-жамс мирсэнтъ единственной социали-стической масторонть, истожамс сонзэ олячинь вечкиця народонть, кона уве-ренной эскелксьсэ моли коммунизмав. Манявсь секс, што минь содынек умок уш течинь фактонть. Минек эрва тру-диясь вооруженной Ленинэнь учения-со ды Сталинэнь указаниясо седе, што эрви эсь прятнь свал кирдемс моби-лизационной анокчинь состоянияс, штобу улемс аноккс врагонь эрва атак учо действиянь вастомо. Минек народось парете содасынзе фашистской хищниктнень целест, сон нейсь, што минек граничатнень томбале гувны войнань пожар, кона ков чи яла сы минек масторонть малав, атак вант се лангс, што минь вечкяно мир, вер-нойдяно эсенек договортнень эрва буквантень.

Минек арасель меленек воевамс. Те войнань навазали тенек кровожадной фашистнэ.

Молотов ялгась 1941 иень июнень 22-це чистэ радио вельде ёвтазэ эсь речсэнзэ мерсь:

«Те войнань минек каршо сыр-гав-тызэ аволь германской народось, аволь германской рабочейтне, крестьянэ ды интеллигенциясь, коватнень майсе-маст минь вадрясто чарькодсьсэ, но Германиянь кровожадной фашистской правительтнень кликась, конат пора-ботили франкузтнень, чехтнень, по-ляктнень, сербтнень, Норвегиянь, Бельгиянь, Даниянь, Голландиянь, Грециянь ды лия народтнень».

Кровожадной, зарвавшейся Гитлер эсь кликанзо марто арсесь минек мас-торсонтькак муемс истямо жо шожа нажива, но сон мусы тесэ эсь калмон-зо. Сон нейсы, кода кеместэ вейс пур-навозь минек 200-миллионной наро-дось, кода сон карми бороцамо эсь честензэ, олячинзэ ды родной масто-ронзо кис.

Мордовской народось истяжо невтизе эсензэ сплоченностензэ, врагтнень ненавистензэ. Митингень резолюция-несэ,—улезэ те колхозсо, совхозсо, предприятиясо, учреждениясо или жо школасо,—тешкстэзэ вейке: гromaмс наглой врагонть, панемс минек мода лангсто германской фашистской ор-данть.

Саранской Пенёкомбинатонь ды 6-це № стройконтрань рабочейтнень

ды служащейтнень митингсэ Челинцев рабочесэ мерсь:


—Минек советской народось пек покш ненависть марто ваны гитлеровской сворань наглой бандитнень вероломст-васт лангс. Сынь минек таргимизь вой-нас. Но тень кисэ ответственностесь целанек пры гитлеровской правитель-ствасто фашистской кискатнень лангс. Минек народось весе, прок вейке ло-мань, сти эсензэ родинанть кис оте-чественной войнас ды кеме вачкодксьсэ нардасы аванькс виенть модань ша-ронть лангсто».

Те — патриотонь вайгель. Истяг мелеть неень шкастонть аштить минек масторонь эрва честной гражданинэнь прясэ. Весемень бажамось вейке: маш-томс фашистской гадтнень, конат снарт-нить нельгемс минек счастьясть, минек олячинть.

«Минь кемдяно, што минек виде тевесэ изни,—сёрмады «Правда».—Но сень кис, штобу подлой ды гнусной фашистской отребень лангсо изнямось улевель теэз седе аламо стакачи мар-то, седе аламо верень ёмавтома марто, минь должны улемс седе пек органи-зованнойкс ды дисциплинированнойкс. Эрвась должен улемс эсензэ робо-тасонзо. Войнань шкасто эрва работась почетной ды полезной изня-монть кис. Войнань яволятомань шка-стонть саезэ арасть больше мирной профессият. Весе масторось ней работы оборонась, масторонть вантамос. Оте-чествась веши эсензэ граждантинь пельде, штобу весе цёратне ды аватне, атак вано сынст иест лангс, марявлизь весе эсест ответственностест государст-ванть судьбанзо кис. Вачкодсь грозной ды решительной часось. Тень эрви вадрясто чарькодес, што изнямось за-висит эсь эйстэнек, эсенек самоотвер-женностень эйстэ, эсенек дисциплини-рованностень эйстэ, минек трудонть продуктивностензэ эйстэ, минек орга-низованностень эйстэ, полной изня-монть достижениянзо кис весемесэ жерт-вованиянть минек анокчинть эйстэ».

Советской народось весе тенень анок. Войнань васенце читне жо невтизэ, кодамо покш трудовой подъемсо робо-ты советской крестьянствась, рабочейт-не, интеллигенциясь. Промышленностесь комсомолентнэ ды аволь союзной од ло-матне ламо таркава кармасть произ-водствасто атак тусэ од специальнос-тень тонавтнеме. Те тевесэ ютавтови истяжо колхозной од ломатнень ютк-соак. Вана, примеркс, Саранской райо-нонь Николаевка велень комсомолентнэ нурька шкань перть аноктасть эсест колхозонть производствасо роботамонть туртов зарья полеводческой бригадирт ды фермань работникть.

«Кадык Якстере Армиясь громи азарсь фашистнэнь,—яволятыть трудиятне,—минь жо кеместэ кирдяно тылэнт. Минек тевенек виде, минь изнятано. Германской захватчиктне мусызь те войнасонть эсест калмост».



### Советской информационной бюронть сообщениязо

Июнень 24-це чинть перть против-никесь яла виевгавсь наступлениянзо Шауляйской, Каунаской, Гродненско-Волковысской, Кобринской, Владимир-Волынской ды Бродской направлениа-несэ, вастнесь Якстере Армиянь вой-скатнень виев сопротивлениясь.

Шауляйской направлениасонть про-тивникень весе атаканзо ульнесь отби-тоить сонзэ туртов покш ёмавкс марто. Минек механизированной соединения-нень контрударсо тэ направлениа-сонть громазь противникень танковой частне ды целанек истожазь мотополк.

Гродненско-Волковысской ды Брест-Литовской направлениахнесэ молинь пек виев бойть Гроднонь, Кобринэнь, Вильнонь, Каунасонть кис.

Бродской направлениасонть яла мо-лить танковой соединениятнень виев бойть, конатнень молемасть противни-кентень теэз стака поражения.

Минек авиациясь, боень паксясонть наземной войскактнень успешнойстэ лездазь, теиь зарья сокрушительной вачкодкст противникень аэродромт-нень ды важной военной объектинь ланга. Воздухсо бойтнесэ минек ави-ациясь тапась 34 самолёт.

Финской заливсэнть военно-морской флотонь кораблятне ваятсь противни-кень вейке подводной лодка.

Румыниянь территориясонть Севас-тополенть лангс немецкой бомбардиро-вщиктнень кавксть теэз налетост кар-шо ответкс советской бомбардировщи-кне колмокость бомбардировизь Констан-данть ды Сулинэнь. Констанцась па-лы.

Киевэнь, Минсконть, Либаванть ды Риганть лангс немецкой бомбарди-ровщиктнень кавксть теэз налетост каршо ответкс советской бомбардиро-вщиктне колмокость бомбардировизь Дан-цыгэнь, Кениксбергэнь, Люблинэнь, Варшаванть ды тейсэ военной объек-тинь покш калавтомат. Варшавасо нефтебазатне палыть.

Июнень 22-це, 23-це ды 24-це чит-нестэ советской авиациясь ёмавсь 374 самолет, конат тапазэ, сехте пек, аэро-дромтнесэ. Теке жо шканть перть совет-ской авиациясь воздухсо бойтнесэ та-пась 161 немецкой самолёт. Теде баш-ка, приблизительной даннойтень ко-ряс противникень аэродромтнесэ исто-жазэ 220 самолётто аволь седе аламо.

\*\*\*

Немецтне валкстнень 5—10 парашю-тист-диверсант советской милиционерэнь формасо связэнь коламонзо туртов. Минек армиятнень тылсэнь создан-нойть истребительной батальонт дивер-сантнэнь-парашютистнэнь истожамонть коряс.

Истребительной батальонтнэсь руко-водствась путозь НКВД-нтэ лангс.

\*\*\*

Финляндиясь максызе эсензэ террито-риянзо германской войскактнень ды гер-манской авиациянь распоряжениясь. Ва-на уш10 чинь перть моли СССР-нь грани-цанть маласо районтнесэ германской войскактнень ды германской авиациянь

(Иезэ 2-це страницасо).

СССР-сэ турецкой посолось Хайдар Актай господинась те иень июнень 25-це чинь эсензэ вербальной нотасонзо пач-тась Иностранной Тевтнень Народной Комиссариатонть вана мезе:

«Турецкой посольстванть ули честезэ пачтямс Иностранной Тевтнень Наро-

дой Комиссариатонть сведениясь, што положениянь улеманзо пингстэ, кона-теевсь Германиянь ды СССР-нтэ ютк-со войнасонть, Республикань Прави-тельствась решизе яволятомс Турци-янть нейтралитет».



## Советской информационной бюронть сообщениязо

пурнавомасть. Июнь 23-це чиста 6 германской самолётнэ, конат ливтась финской территориястонть, снартнесь бомбардировамс Кронштадтонь районть. Самолётнэ ульнесь панезь. Вейке самолет тапась ды саезь пленс немецкой 4 офицер.

Июнь 24-це чиста немецкой 4 самолётнэ снартнесь бомбардировамс Бандалакшань районть, Кулоярвинь районсонть жо снартнесь ютамс границанть трокс германской войска кой-кона частне. Самолётнэ панезь. Германской войска частне отбитойть. Улить пленной немецкой солдатт.

Румыниясь максызе эсензэ территориянэ целанек германской войскачненъ распоряженияс. Румынской территориястонть аволь ансяк тейневить советской опитнень ды войскачненъ лангс немецкой авиациянъ налетонзо, но немецкой ды румынской войскачненъ выступлениестак, конат действовать вейс советской войскачненъ каршо. Аволь вест румыно-немецкой войскачнен снартнесь саемс Черновицанть ды Прутонь восточной береконть, но неть снартнематнест мезеяк эзь лисе. Саезь немецкой ды румынской пленнойть.

Июнь 25-це чиста противникень подвижной частне виевгавтеть наступлениа Виленьской ды Барановической направлениянест.

Советской авиациянъ покш соединениа чинть перть ветьсь неть направлениянест противникень танкатнень каршо успешной бороцямс. Боент молема противникень башка танковой группатненъ удалась эцеме Вильно-Ошманы райононтень.

Минек наземной войскачненъ упорной сопротивлениасот ды активной действиасот противникень пехотной соединениатне неть направлениянест керязь сонзэ танковой частнень эйстэ.

Противникес снартнесь эцеме Бродской ды Львовской направлениянест, но неть снартнематнень каршо покш виевгавтеть действовить Якстере Армиянъ контратакующей войскачнен, конатненъ нек виев вачкодксь лездась минек авиациясь. Бойтнень результатсонть противникень механизированной соединениатненъ тейневить покш ёмавкст. Боесь моли.

Пек виев контрударсо минек войскачнен одс саизь Перемышлянт.

Черновицкой направлениясонть минек войскачнен отбили противникень покш атаканзо, кона снартнесь ютамс Прут леент трокс.

Фронтонь Бессарабской участкасонть Якстере Армиянъ войскачнен кемест кирдить позициянень Прут леент восточной берексонзо, успешнойстэ отражают противникень пек ламо снартнеманзо ютамс леент трокс. Скулени районсонть противникентень, наступленианъ тееме сонзэ снартноманзо пингстэ, теезь покш поражение, сонзэ кадовикстэ паневить Прут леент томбале. Саезь немецкой ды румынской пленнойть.

Минек авиациясь тейсэ зарья пек виев вачкодкст Финляндиясо немецкнень аэродромст лангс, бомбардировизе Мемеленть, Либаванть эйстэ Север ёно противникень кораблячненъ ды Констанца портонь нефтегородоконт.

Воздушной бойтнест ды зенитной артиллериянъ толсонть июнь 25-це чиста тапась противникень 76 самолет, теизь пингстэ минек 17 самолет эзть велавто эсест базатнес.

Немецкой летчик, кона саезь пленс седе мейле, кода сонзэ самолетонтъ та-

пизе минек авиациясь советско-финской границанть лангс, яволятьс: «Русскойтнень каршо воевамо арась меленек, турдяно вийсэ карматозь, войнанть эйстэ молись меленек, мезень кис турдяно—а содатано».

Фронтонь участкатнест вейкесэнт немецкой войскачнен бойс молись иредьстэ, ды сынест теевсть покш ёмавкст маштозсь ды ранязьсэ. Пленной немецкой солдатнэ яволятьс: «Овси бойденть икеле миненек макснить вина».

Н-ской частень од боецнэ-зенитчиктне бойтнень васенце чистанть еще аволь увереннойстэ леднест противникень самолетнэ лангс. Омбоце чистанть неть боецнэ уш действовали спокойно, леднест меткойстэ ды чинть перть тапаст германской 9 бомбардировщикт.

Н-ской авиационной частень минек летчиктне воздушной бойтнест тапаст противникень 10 самолет. Полконь командиресь, Советской Союзонь Героесь Коробков майорсь тапаст противникень кавто бомбардировщикт, радиостэ-стрелоксь Шишкович боевой задачань топавтома шкасто тапаст противникень «Мессер-шмитт» системань кавто самолетт. Сорокин командиресь 9 самолетсо боевой задачань топавтомант пингстэ ульнесь атаквазь противникень 15 самолетсо, бойсэнт тапаст 6 самолет ды ёмавтсь ниле. Ячменев майорось, конань ранявсть кавонест пилгезь, отказась молема госпиталев ды яла топавтсь боевой задачанень.

Н-ской авиачастень летчиктне (Станиславонь район) тапаст противникень 19 самолет, кавто самолёт тапаст зенитной артиллериясь, младшей командиртнень Ковалевонь ды Милаховонь расчётнэ. Немецкой ниле летчикт сайсть пленс неть расчётнэ боецнэ. Весемезь саезь пленс немецкой 12 летчик.

Героически туреть Н-ской авиаполконь лётчиктне, конат истожасть противникень 13 самолет, ёмавтеть вейке.

Н-ской стрелковой полконь якстере-армеецсь Романов, вражеской развед-

## КАЗАЦКОЙ ПУЛЯСЬ, КАЗАЦКОЙ САБЛЯСЬ ЭРЬВА КОСО ТАПАСЫЗЬ ВРАГОНТЬ! ДОНОНЬ КАЗАКТНЕ МОЛИТЬ ФРОНТОВ

Июнь 24-це чиста Вешенская станицаь провожасть эсензэ ператнень, конат молишь фронтов социалистической отчизнань вансто. Сынст провожамо лиссть станицань весе эрицяне. Центральвой площадсэнт ульнесь прощальной митинг. Лембе напутственной речь казактненъ ёвтась СССР-нь Верховной Советэнь депутатось писателесь академиксь М. А. Шолохов.

— Те отечественной войнасонть, — мерсь сон, — минь ульдяно изниакс. Донской казачествась свал ульнесь родной масторонь священной рубежтнень защитникень икельце рядтнэсэ. Минь кемдяно, што тынъ седе товган карматадо ветьмо славной боевой традициянень ды карматадо чакомо врагонть истя, кода тынк дедадне чавсть Наполеононь, кода тынк тетятнэ громасть кайзеровской войскачненъ.

Шолохов ялганть меельсэ валонзо:

«Шумбра улезэ Сталин! Шумбра улезэ великой советской народсь!» — ульнест вельязь ованиясо ды интернационалонь пек виев звуктнэсэ.

Митингенть прыдовомодо мейле писателесь яволятьс седе, што сон СССР-нь оборонань фондонтень максы сонензэ присужденной васенце степенень сталинской премиянт ды анок арамс нейке жо Якстере Армиянъ рядтнэсэ.

Родной станицастот туемстэ, казактне кортыть: — Кадкь фашистнэ содыть, што меткой казачьей пулясь, казачьей пшти саблясь сасасынэ сынст эрва косо, кодамо бу ласксо сын авольт кекшне. Апак соракадо, молядно решительной бойс ды карматадо туреме врагонть лангсо полной победас!

Младшей сержантось Трофимов—орудиянъ командиресь, обстановкасонт, зардо орудиясь ульнест противникень окружениясонзо, орудиянъ боевой расчётось жо ульнест ливтэсь стройстэ, пачтинзэ кекшема таркас эсензэ орудиянъ ранязь колмо боецнэнт, теде мейле жо сонсь спокойнойстэ леднест противникень прямой наводкасо. Зардо сопротивлениась кармась улема лезэвтеме (противникень танкатне ульнест малав огневой позициясонть) Трофимов сезизе орудиянт, сонсь жо пек вадрясто лиссь врагтнень окружениястонть.

Н-ской батальононь командиресь Косель капитанось боень шкастонть пек вадрясто организовизе пулеметной толонь системанть. Сон спокойнойстэ нолдызе противникень маласо таркас ды саизе сонзэ перекрестной пулеметной тол алов. Вражеской кавто ротат ульнест истожазь.

Улить пек ламо факт, зардо крестьянтнэ макснить Якстере Армиянтень активной лескс вражеской парашютистнэ-диверсантнэ кунцемасонт. Истя, Херца районсонть крестьянтнэ кундасть ды пачтять воинской частсь колмо парашютист-диверсант, конат валгеть самолетсо.

## ЕЩЕ СЕДЕЯК ПЕК КЕПЕДЕМС ТРУДОНЬ ПРОИЗВОДИТЕЛЬНОСТЕНТЬ

Педе теде икеле СССР-нь Верховной Советэнь Президиумось ды Всесоюзной Профессиональной Союзонь Центральной Советась кавксо часонь рабочей чис, сисем чинь рабочей недляс ютамодо ды предприятиянень ды учрежденийтнень эйстэ самовольна туеманть лоткавтоманзо коряс нолдасть исторической Указ. Те Указонть Советской народось вастызе трудовой покш подъемсо.

Мордовиянъ предприятиянесте ды учреждениянесте рабочейтне ды служащейтне кармась роботамо седе производительнойстэ, ламодо кассь трудовой дисциплинась. Ламо предприятиянева допрок маштозь прогултэ. Бути икеле Маслозаводсо прогултэ пачкоolestь ковонзон 16—20 случайс, то тедиде апрельстэ, майстэ арасель вейкеяк прогул.

1940 иень июнь 26-це чинь Указось аволь ансяк путсь пе прогултнэнтень ды производстваст самовольна туеманть, сон истяжо макссь келей инициатива рационализаторской мыслянтень. Теке жо заводсонть рабочейтнень предложеният коряс теезельт кавто транспортт чинь-жарамонь выгрузканть туртов. Истямо а покш рационализаторской приспособлениясь макссь возможность чинь-жарамонь тоннанть выгрузать кавто частнень таркас ансяк 40—45 минутас. Омбоце рационализаторской предложениясь, кона теке нолдазь, ашти сенсэ, што васня цистернатнень пештитль кедрсь, ней жо пештитль насосо ды шкась тенень эрви ансяк 20—25 минута икелень кото частнень таркас. Меельсэ покш экономия максы еще вейке рационализаторской предложениясь. Маслозаводонь коллективсэ освоил ды кармась уш прессанть тейнеме сукнавтомо. Те максы эрва чиста вейке тыща целковой экономия. Неть рационализаторской предложениянтень теке ютавтозь, маслозаводонь рабочейтне ламодо кепедизь трудонь производительностень. Терешкин прессовщиксэ роботы кавто ламанень кисэ ды производственной норманзо топавтни 130—140 процентс. Истяжо свал велькска нарманзо топавтни Спирин комсомолецсь.

Можна невтемс зарья примерт Консервной комбинатстоак. Тесэ, молочной цехень рабочейтнень ютксо чиде-чис касы трудонь производительностесь. Истят работницатне, кода Козина ялгась ды лият, нормаст топавтнить кавксть велькска.

Рабочейтне ды служащейтне парсте содыть, што ней, зардо оголтелой фашистнэ кавксть минек счастливой родинант лангс, трудонть производительностень ды трудовой дисциплинанть эрви ламодо седе кепедемс. Ды аволь ансяк рабочейтне ды служащейтне кепедить трудонь производительностень, дисциплинанть ды организованностень. Сынст эйстэ истяжо а кадови колхозной крестьянстваскак.

Колхозниктне главной задакас эстет аравтыть сень, штобу урядамс сталинской урожаенть нурька шкас ды ёмавксто. Тень кис сын тонавтыть аватнень ды подросткатнень жнейкасо ды лобогрейкасо нуеме. Тонавтыть сеть роботатнень тееме, конатнень тейсть сынст тетяст ды братост.

Рабочейтне, служащейтне ды колхозной крестьянствась Указонь годоцинанть вастызе еще седеяк пек организованнойстэ ды самоотверженной роботасо.

П. Кильдюшкин.

(ТАСС).



# Весе, прок вейке ломань, аноктано стямс эсенек независимостенть ванстома!

## Отечественной война—эсь мельсэ

Германской кровожадной фашистской варвартне нарушили минек народонть мирной трудонзо, каявсть советской граждантень лангс. Тень каршо великой советской союзонь народось ушодсь победоносной отечественной война. Те войнантень партианть ды правительстванть тердемаст коряс хоть зардо анокт молема минек масторонь миллионт трудицят—пёрат ды ават, комсомолент ды од ломать. Весемень седейсэ—певтеме ненависть фашистской разбойниктень лангс. Весень сех покш бажамост: ванстама эсь родинанть, пед пев тапамс германской подчищатень.

Нетъ читнестэ весе кавтосядт миллионной советской народось кармась улема седейк пек сплоченной, монолитной ды организованной, седейк пек кеместэ пурнавсь большевистской партианть, эсь родной правительстванть, великой вожденть Сталин ялганть перька.

Вечксы минек народось эсь родинанть. Ды киненьгак, зардоак сонзэ а макссы. Родинанть ванстама, действующей армиянть ряднэс бажить молема ламо сядот, тыщат сыре ды од ломать, тейтерть ды ават.

Саранской горвоенкоматов чистэ почтась канды сядот корреспонденция. Весе сын—заявления, конатнесэ ломатне энялдыть сынт саемс добровольцэкс. Ламот сакшныть сынсь, макснить заявления ды кевкснить: курок ли сайсамизь?

### „Монь саимизь васенцек“

Вана июнень 25-це чистэ сась Соколов Александр Степанович. Сон чачсь 1922 иестэ Ст-Шайговской районсо Резановка велесэ. Омбоце не роботы Саранскоень пенькокомбинатсо—пожарной депосо. Те—физически шумбра, стройной, боевой од ломань. Братозо, Николай Соколов, служи Якстере Армиясо артиллеристэкс.

— Мон арсян добровольцэкс туеме тов, косо монь братом,—корты Александр Соколов.—Карман вейсэ братом марто бороцям фашистской азарсь кискатнень каршо, эсь родинанть кис. Энялдан монь саемс сех икеле, васенцекс.

Ды сон макссь заявления—вишкине, но ламодо кортыця. Заявления, конаньсэ ёвтась советской эрва од ломаненть чувстванзо, бажамонзо, мелензэ превензэ.

— Курок ли монень учови отечественной война туема чись?—кевксни Соколов ялгась.

— Минь ёвтатано, пачтатано теть адресать коряс,—мерсть сонензэ.

— Илик стувто: васенцекс кучомизь...

### Колмоне вейсэ

Сынъ прядызь Саранск ошсо фельдшерско-акушерской школанть. Сперанский Евгений чачсь Уральской областсэ. Ней сон ВКП(б)-нь членкс кандидат. Томили Николай ды Горхов Николай чачсь Ромодановской районсо. Комсомолент.

Фельдшерско-акушерской школасо колмо иень перть тонавтнемась Сперанскоень, Томилинь, Горховонь теинзэ малавикс ялгакс. Ды ней сынъ макссь заявления, конатнесэ энялдыть, штобу сынт колмонест вейсэ савелиз добровольцэкс действующей армияв. Вейсэнь заявленияст сёрмадыть:

«Минь возмущеннойдано сень кувалт, што фашистской сворась нагло

каявсь Советской Союзонть лангс. Энялдан минек кучомс фронтов добровольцэкс. Эсь веренек ды эрямонок атак жаля карматано тапамо подлой фашистской гадинантъ...»

Ды сынъ алкукс кармить улема полноценной войнэкс, эсь родинанть достойной ванстыцэкс. Сынъ парсте тонавтизь военной теветь. Участвовати лыжной комсомольской кроссонть эйсэ, гимнастической соревнованийт-песэ, чийнемань коряс профсоюзно комсомольской кроссонть эйсэ. Эрванть мештьсэ—колмонь-колмонь оборонной значокт.

### „Мон, СССР-нь гражданин...“

Сеске жо, кодак маризе радио вельде Молотов ялганть выступлениянзо седе, што немецкой азарсь фашистне навязали Советской Союзонть война,—Надеждин Евгений Алексеевич яволявтызе мелензэ молема добровольна Якстере Армиянть ряднэс. Сон сёрмадсь заявления:

«Мон, СССР-нь гражданин—арсян эсь мельсэ молема Робоче-Крестьянской Якстере Армиянть ряднэс. Парсте содаса пулеметонть. Уничтожающей толсо карман тапамо нулгодькс фашистнень. Честь ды достоинства марто, верем ды эрямом атак жаля карман ванстама эсь родинанть, минек радостной эрямонть. Топавтынк монь энялдоманть, седе курок кучомизь отечественной война.

А вана меств сёрмады эсь заявлениясонзо вейке комсомолент.

«Мон олякстомтозян всеобщей воинской обязанностень топавтоманть эйстэ. Ней энялдан саемс монь добровольцэкс. Возмущенной сень эйстэ, што фашистской нулгодьктне каявсть минек прекрасной родинанть лангс. Героически карман бороцям шакалтынень каршо, эсь родинанть кис. Топавтынк те энялдомам. Мон комсомолец».

### Карман тапамо фашистской бандитнэнь

Пенкин Борис Петрович ансяк ютась иень сёксня сась Якстере Армиясто. Кодак ансяк марясь германской фашистнэнь наглой провокациядот, сеске жо сёрмадсь заявления, конаньсэ мерсь, што сон эсь мельсэ бажить молема азаргадозь бандитнэнь каршо бороцям. Пенкин ялгантень кодаяк а учови сешкась, зардо сонзэ кучысь передовой линияс.

Июнень 25-це чистэ сёрмадсь омбоце заявления: «Убедительна энялдан саемс монь добровольцэкс. Весе военной закалкам, весе эсь званиян, весе вием максса социалистической родинанть ванстоманзо кис».

Саранск ошонь 1-це номер столовонь роботникс Василий Амосович Баймеев ялгаськак служась уш Якстере Армиянть ряднэс. Сон ульнесь кавалеристэкс. Ды ней, действующей армияв эсь мельсэ туемадо заявлениясонзо, сёрмады: «Саимизь монь буденновской кавалерияв. Врагонт карман тапамо метко, беспощадно. Покш мельсэ молян бороцям эсь родинанть кис, Сталин ялганть кис».

Немецкой фашистнэнь каршо бороцям, победоносной отечественной война эсь мельсэ бажить молема аволь ансяк од ломать, но сыретькак.

### Истя, кода гражданской войнань иетнестэ

Александр Павлович Горбуновнень—53 ие. Сон героически бороцясь омбо масторонь интервентнэнь каршо, гражданской войнань иетнестэ ванстась советской од республиканть. Ней энялды, штобу савелиз добровольцэкс. Мон, келя, врагнтень карман тапамо истя жо, кода тапинь гражданской войнань иетнестэ, шумбран ды физически виеван.

Василий Федорович Андриянов—роботы Заготсеросо. Кучсь сон горвоенкоматов истямо заявления:

«Мон—эсь вечкевикс советской родинанть пёра. Монь кастымем Ленинэнь—Сталинэнь коммунистической партиася. Арсян эсь мельсэ молема бороцям азаргадозь врагонт каршо. Бороцям карман истя, кода бороцятъ монь колмо братон гражданской войнань иетнестэ. Ней фашистнэнь каршо бороцить монь вете племянникень (гражданской войнасо маштозь братнэнь пёраст) ды вейке братом. Энялдан, штобу моньгак савелемизь Якстере Армияв, штобу мон улевлинь бойсэ передовой линиясо».

Тимофей Дмитриевич Лазарев ялганть пёразо служи Якстере Армиянть ряднэс парашютной десантонь командирэкс. Лазарев ялгась энялды, штобу сонсензэ савелиз добровольцэкс родинанть кис, олячинть кис бороцям.

### Медицинской сестракс

Саранск ошонь сядот од тейтерть бажить эсь мельсэ молема фронтонь передовой линияв медицинской сестракс.

Комсомолка Калашникова Зоя 1939 иестэ прядызь Саранскоень фельдшерско-акушерской школанть. Сон роботы медицинской сестракс. Эсь заявлениясонзо сёрмады: «Энялдан нейке жо монь саемс армияв. Тосо карман аволь ансяк макснема васенце медицинской лескс минек боецтнэнь, но кедьсэнь оружия марто молян бойс эсь родинанть кис, радостной эрямонть ванстома».

Саушева Татьяна ды комсомолка Макулина Алевтина прядьт санитарной дружинав курст, маштыть максомо медицинской васенце лескс ды сынъ кавонест энялдыть, штобу савелиз фронтов, медицинской сестракс.

Саранской маслозаводонь работницася Аверкина Александра Андреевна сёрмады: «Энялдан монь нейке жо саемс действующей армияв санитаркакс. Мон карман честно топавтома эсь обязанностнень, карман боецтнэнь лездамо, штобу седе курок тапамс азаргадозь врагонт».

Напалкова Раиса ды Мельникова Нина энялдыть: «Кучомизь Якстере Армиянть лездамо».

Истя жо сёрмадыть, бажить молема отечественной война, эсь родинанть

ванстама Саранской ТЭЦ-нь счетоводсь комсомолка Афанасьева Анна ды сонзэ оязо, сартЭЦ-нь од лаборанткась.

Нечоботарева Вера производствосо роботамодо атак лотксе прядсь медицинской сестрань курст, роботы 13-це № детсадсо воспитательницакс. Кавто братозо служить Якстере Армиясо. «Арсян вейсэ эсь братнэнь марто ванстомс вечкевикс родинанть,—сёрмады Вера.—Честь марто топавтса родинанть икеле эсь долгом. Самоотверженна, эрямом атак жаля карман бороцям фашистской бандитнэнь каршо».

А вана меств сёрмады Наркомсобесень работницася Тюрина Мария Павловна: «Мон арсян лездам доблестной Якстере Армиянть медицинский васенце лесксэнь максомасо. Колмо братон служить Якстере Армиясо. Сынт примерэст коряс ды Советской Союзонь ламо миллионт од ломатнень примерэст коряс бажан эсь мельсэ туемс отечественной война, славной родинанть ванстома».

Швейной фабрикасто зярля тейтерьават энялдыть сынт саемс действующей армияв, пенькокомбинатонь лаборантка, ошонь зярля учительница, работницат бажить молема эсь мельсэ отечественной война, зарвавшейся фашистнэнь каршо бороцям.

### „Вейсэ мирдем марто“

Малышева Лидия Денисовна (Наркомсобес) сёрмады эсь заявлениясонзо:

«Монь мирдем служи Робоче-Крестьянской Якстере Армиясо. Германской фашистне минек масторонтень навязали война. Мон не могу аштеме равнодушна. Арсян улема лезэнь теицэкс эсь родинанть ванстомасонзо. Энялдан саемс монь добровольцэкс. Вейсэ эсь мирдем ды весе минек боецтнэнь марто карман самоотверженна, весе вийсэ бороцям наглой фашистнэнь каршо, конат колмизь минек границатнень сатьмечинть. Убедительна энялдан зачислить монь добровольцэкс ды седе курок саемс передовой линияв».

\*\*\*

Ламо истят заявления эрва чистэ сакшныть Саранскоень горвоенкоматов Социалистической Родинав патриотнэнь пельде, конат пед пев преданной партианть ды советской правительствандень, весе мирэнь трудиянень вождентень Сталин ялгантень. Весе сынъ, минек патриотнэ, ней эрит вейке арсемасо, вейке бажамос: седе курок ды пед пев тапамс Европань жандарманть—германской фашизманть. Победоносной отечественной война кепетень Советской Социалистической Республикатнень Союзонь весе народось. Те народось киненьгак, зардоак а изьяви. Врагось ули тапазь. Минь изьянато.

Е. Пятаев.

### Макстано виев вачкодькс!

Рузаевка станциян депонь цехтнесэ ульнест митингт. Митингтне ютасть покш патристической подъем марто.

— Гитлер бандитась,—кортасть поездонь составителсь Мезенцев ялгась,—лепштивзэ эсь кочкарянзо алов Польшань, Чехословакиянь, Бельгиянь ды лия масторонь народтнэнь. Сон прок азарсь киска каявсь счастливой советской народонть лангс. Но манявсь! Минь макстано тензэ истямо вачкодькс, конадо мейле а пурнавить сонзэ ловажанзо.

Робочейтне, служащейтне ды советской интеллигенциясь сайсть эсь лангозост обязательства—виевгавтомс революционной бдительностенть, кепедеме трудонь производительностенть ды шкадо икеле топавтомс производственной плантнэнь.

Митингтнесэ примазь резолюцияне тердить трудиянень самоотверженнасто роботамс эсь производствасо ды улема анокок партианть ды правительстванть тердемаст коряс стямс эсь Родинав ванстома.



## Велень комсомолецтнэнь боевой задачась

Ней, зярдэ минек Якстере Армиясь мужественностэ ды храброустэ тури германской ганибалтнэнь каршо, эрва робочеентень, колхозникентень ды служащентень эрви икелень коряс седе пек честнасто ды парете роботама эсь тевсэ.

Весе виитнень минь должны путомс севенень, штобу тапамс Гитлерэнь разбойниктнень. «Весе народонек должен улемс сплоченностэ ды единостэ, кода зярдок арасель. Эрвась эйстанек должен вешемс эсь пельдензэ ды лиятнень пельде дисциплина, организованность, самоотверженность, кона достойной алуксонь советской патриотентень, штобу обеспечить Якстере Армиянь, Флотонь ды Авиаияньт весе нуждатнень, штобу обеспечить врагоньт лангсо победанть», — кортась радио вельде Молотов ялгась 1941-це иень июнень 22-це чистэ.

Велень комсомолецтнэнь боевой задачасть — добовамс 7 миллиард 900 миллион пондо суро ды келедемс животноводстванть продуктивностензэ.

Тунда видемась прыдовсь. Путозь кеме фундамент скупав урожайень саемантень. Комсомолецтнэнь эрви бороцямс сень кис, штобу шкасто ды вадря качества марто прыдомс кочкоманть, парете анокстамс сюронь урядоманть.

Те государственной важностень покш теветень организовамс колхозниктнень, видестэ аравнемс робочей виенть ды тевс полдамс весе улике возможностнень.

Возможностне жо а вишкинеть! Каникулас тусть ламо школьникт. Сынет эрви организовамс колхозтнэнь лездамо. Нуема шкасто школьниктнень кучнемс колозонь пурнамо; покш лескс максыт сюронь пивсамстак.

Скупав урожайень получамос истяжо пек лезды кадратнень анокстамоськак. ВЛКСМ-нь райкомтнэнь эрви явомс покш мель велень хозяйствань кадратнень анокстамонть. Организовамс трактористкань курст, козонь таргамс велень комсомолецтнэнь, тейтер-авантнень.

Н. Славкин.

## Шоферэнтъ успехензэ

Сергей Наумов, Ичалковской лесхозонь автобазань шоферэсь, примась участия Якстере Армиянь великой освободительной походсонзо Западной Украинань ды Западной Белоруссий. Сонензэ тосо савсь марямс кавто истят случать, зярдэ германской фашистнэ тейстэ зверской расправа польской трудпятинь лангсо. Седе мейле сонзэ седеяк виевгадсь ненавистезэ фашистской кискатненень.

Сон содась, што те врагонть марто минек зярдок сави бороцямс. Секс кодак ансяк сась эсензэ производствань, кармась улемс стахановецэкс ды организовась стрелковой кружок. Те кружокось отечественной войнанть самс анокстась ламо ворошиловской стрелокт, конатнень эйстэ ней ламот туть германской фашистнэнь каршо бороцямс.

Отечественной войнань читнестэ Наумов ялгась седеяк вадрясто роботы. Топавты весе технической правилатнень, конат аравтозъ графикень коряс. Эрва чистэ тейни горючеень экономия 1—1,5 килограмма. Автомашинанть свал кирди вадря состояниасо.

—Те боевой машинась, — корты Наумов ялгась, — маштови тень аволь ансяк производственной роботасо, но фашистской звертнень каршо бороцямосонтькак. Мон свал анокан партияньт ды правительстванть тердемаст коряс эрва шкасто арамс эсь вечкевикс Родианть ванстомо.

А. Вдовин.

## ГРАНИЦАНЬ ТОМБАЛЕ

### Войнань фронтнэсь

Июнень 24-це чистэ ды 25-це чинь каршо вестэнт английской авиациясь веться операцият пек активностэ. Кода пачти Рейтер агентствась, бомбардировазь Кельнэсь, Дюссельдорфось (Западной Германия) ды Килень военно-морской базась (Северной Германия). Английской бомбардировщикень покш соединениат тейстэ истя жо налет Северной Францияньт лангс, конань оккупировизь немецне. Сехте пек виевстэ бомбардировазь Калесь ды Булоньсь. Воздушной бойсэнт английской истребительнэ тапаст Германской 9 машинат. Весебезэ меельсэ 9 читнень перть английской авиациясь истожась германской од 121 истребитель.

Июнень 25-це чинь каршо вестэнт германской авиациянь действиянзо ульнест аволь виевть.

Сириясо бойтне моли фронтонь весе участкатнесэ. Покш лескс английской сухопутной войскатненень макснить средиземноморской флотось ды авиациясь.

Северной Африкасо моли Тобруконть маласо артиллерийской леднема. Английской авиациясь бомбардировизе Бенгази ды Триполи ливийской портнень.

Абиссиниясо операциятне виевгальт Галла ды Сидамо областенть западной пелькссэнзэ.

(ТАСС).

### Общинатнень палатасонть Иденэнь выстулениязо

Рейтер агентствась пачти, што июнень 24-це чистэ общинатнень английской палатасонть ульнест преният СССР-нтень отношениясонт Англианть политикадонзо вопросонть коряс СССР-нт лангс Германиянь нападениянзо кувалма. Заседаниясонт речь марто выступил иностранной тевтнень английской министрась Иден. Советской Россиянь лангс германской нападенияньт кувалма Англианть политикадонзо Черчиллень яволявтоманзо лангс невтезь, Иден тешкетсь, што Советской Россияс вторжениясь кеместэ скулмавозь Британской империяньт громамонь германской плантнэнь марто. Россияньт лангс каявоманть вельде, мерсь Иден, Гитлер бажы севенень, штобу менстемс эсь прынзо эсензэ восточной границанть кис эрва кодамо тревоганть эйстэ, ней или икелелев зярдэ сон ушоды единоборства Англианть каршо. Коммунизманть эсензэ отрицательной отношениянзо тешкетсь, Иден седе тов яволявть:

Англиань ды Россиянь политической систематне противоположностэ вейкест вейкест туртов; минек эрямонь укладнэ пек аволь вейкет. Но весе те не может вейкек моментс вельтамс эсь эйсэнзэ реальной политической простнэнь, конатнень икеле минь теци аштитяно.

Германской правительстванть яволявтомазо седе, што Советской Союзось буто бу аволь лойяльнойстэ топавть эсензэ обязательстватнень, Иден ловизе кенгелемакс. Сон тешкетсь, што Советской Союзось эзь ветья Англианть марто кодаткак переговорт, конат улевельт бу нолдазь Германияньт каршо. Эрва зярдэ, яволявть Иден, зярдэ минь выясняли обстановканть, молись

ли кортамось политической или торговой простнэде, минь пек вадрясто чарькоделинек, што советской правительствась а арси ветьямс переговорт, а арси тейнемс кодаткак осложнениат Германияньт марто эсензэ отношениятнесэ.

Гитлер еще весть невтизе эсь прынзо прок виськстэме изменник эсензэ собственной алтамонтень. Кодаткак нацистской махинациятне ней а манисьз мирэнт. Весе народтнэ, управлениясь сынет системат ды географической положениат лангс атак ванс, должны чарькодемс, што национал-социалистской системанть улемась канды покштояк покш ды непосредственной угрозы сынет безопасностентень. Кодат бу авольт уле сынет весе лия соображениятне, те соображениясь должен улемс основкойкс.

Россияньт лангс, — невте седе тов Иден, — теэзь грубой ды предательской агрессия предупреждениявтомо. Немецне натой эзть снартнеяк хоть аламо до серьезнойстэ оправдать эсест провокацияст. Русскойтне бороцить эсест родной модаст кис. Сынь бороцить ломаненьт каршо, кона бажы мировой господстванть. Те бороцямось ашти минек вейкине задачкаксак. Те меельце агрессияньт икеле минь пешкетяно решимостэсэнт а лавшомтнемс, но еще седеяк пек ламолгавтомс эсенек виевек.

Седе тов Иден яволявть: Советской посолось пачтась монень, што СССР-нь правительствась примизе минек предложениянок Россияс минек военной ды экономической миссиятнень кучомадо (апломсментт) сень туртов, штобу координировамс минек усилиятнень.

(ТАСС).

### Захватчиктнэнь французской народонть ненавистезэ

Чистэ-чис яла касы французской народонть ненавистезэ эсензэ угнетельтнэнь. Кудонь стенатнесэ ды пирякстнесэ Франциянь ламо оштнесэ появакшныть немецне туртов оскорбительной сёрмалевкст. Сеетстэ патриотнэ сёрмалить ансяк вейке буква «В». Но французтнэ содыть, што те

буквась означает вал «виктуар» (победа), лиякс меремс сетнень победа, ки бороци германской игонть эйстэ францияньт олякстомтоманзо кис. Германской властне пек кежевстэ расправляються истят сёрмалевкстнэнь авторост марто.

(ТАСС).

### Советской Союзонтень лездамо Рузвельтэнь яволявтомазо

Рейтер агентствась пачти Вашингтонсто радиограрма-молния, конаньсэ ёвтазь, што Рузвельт яволявть Советской Россиянтнень весе возможной лездамонть максомодо.

(ТАСС).

### США-со советской фондтнэнь лангсто арестэнт саемазо

Финанстнэнь американской министертвась саизе арестэнт (запретэнт) США-со советской фондтнэнь лангсто.

(ТАСС).

### Лондонсо настроениятне

Советско-германской войнадонть сообщениятнеде виевстэ толковить лондонской автобустнэсь, трамвайтнэсь ды кафэтнэсь. Арась кодамоак а кемемс сень коряс, кинь ёно аштит рядовой англичантнэнь симпатияст. Автобустнэстэ вейкесэнт кедьстэ-кедьс ютнесэ чокшнень газетань экзemplарось, косо покш заголовка ало ульнест публиковазь военной действиятнеде советской сообщениясь. Меельсехе те газетась понгсь кондукторонть кедьс, кона вайгельсэнзэ торжества марто весенень марямга ловнось советской успехтнеде автобусонь эрва од пассажирэнтень. «Ней, — яволявть кондукторось, — Гитлер марямс эсь сядиксэнзэ, мезе значит войнась».

Даннойтне советской дивизиятнень количествадонть, конат могут улемс аравтозъ германской нападенияньт отражениянзо туртов, ды истяжо Якстере Армияньт виидензэ даннойтне толковать еще седеяк пек оживленностэ. Вейке пехотинец мерсь ТАСС-нь корреспондентэнтень: «Ней немецне кармать содамо, што сын эсест скупав снаряженияст марто вастэть достойной соперник. Ней немецне ветьит бороцямс армияньт каршо, кона не уступает сынет кода численной отношениясонт, истя жо снаряженияньт коряскак. Немецне ветьит война масторонть каршо, кона аволь Францияньт кондымо, косо ульнест замешательства ды арасель единой мель».

Седе ламо лондонетнэ сэрейстэ ловить советской войскатнень боевой качестваст. Эрва косо можна марямс истямо замечания: «Те войнась ашти Гитлерэнь пензэ ушодкокс». Германской территориясонт советской парашютистнэнь ды транспортной самолетнэнь действиядо Анкарасто сообщения марто чокшнень газетань экзemplартнэ ютнесэ кедьстэ-кедьс эрва косо, косо лондонетнэ пуромкшностэ группасо, примеркс, трамвайной остановкатнень вакс. Характерной замечаниякс ашти вана мезе: «Бути войнасонт должен улемс поворотной пункт, то те теевкшнн самай ней. Трамваень кондукторось, советской парашютистнэде сообщенияньт ловнозь, ёвтась теде вагононь ветиданть, кона яволявть: «Сынь истожасыз Гитлерэнь».

(ТАСС).

### Польшасо германской террорось

Польшасо германской террорось сехте пек виевгадсь меельсэ ковтнестэ. Рейтер агентстванть данноензэ коряс, германской оккупационной властне эрва чистэ арестовакшныть тышат ломать. Ансяк ськамонзо Варшавасонть кавто чинь перть ульнест пекстазь тюрьмас малав 6 тыща ломань. Ламослучайтнэстэ гестапось тейнесэ пыткаст арестованнойтнэнь, конатнестэ койконат, зверской пыткатнэнь атак цидардо, кудость. Арестнэде мейле кармась ютавтнэвеме массовой казнят.

Польской велетнесэ зёрнань реквизициянтень сопротивленианть кис крестьянтнэнь арестовакшныть ды леднить. Люблинэнь провинциясонт истят отказомонтень кис арестовазь 2 тышат крестьянт.

Отв. редакторсь А. ЩЕГЛОВ.